

11. april 2019

UPA 2019/65/171

Provstudvalgip atorunnaarsinneqarsimanerata nalilersueqqittoqarnissaanik UKA2019imut piumasaqaat.
Nalilersuinerup imarissavaa provstudvalgip atorunnaarsinneqarnerani sunniutit suut
uuttuuttigineqarsimanersut neriuutillu suut eqquussimannginnersut. Nalilersuinerup
naggataarutaasumik imarissavaa provstudvalgip atulerseqqinnejarnissaanut suut
innersuussutaasanersut Naalakkersuisut peqquneqarnissaannik Inatsisartut aalajangiiffigisassaattut
siunnersuut.

(Inatsisartunut ilaasortaq Jens Napätk, Partii Naleraq)

Ilagiit naalagaaffiup tapersersugaasa avataatigut upperisaqaqtigiit allat pillugit inatsisissaq pillugu
danskit Naalagaaffiup oqartussaatitaannut Naalakkersuisut saaffiginneqqullugit peqquneqarnissaat
siunertaralugu Inatsisartut aalajangiiffigisassaattut siunnersuut.

(Inatsisartunut ilaasortaq Mimi Karlsen, Inuit Ataqatigiit)

Partii Naleraq sinnerlugu Inatsisartuni ilaasortaq Jens Napätk aammalu Inuit Ataqatigiit sinnerlugit
Inatsisartuni ilaasortaq Mimi Karlsen siunnersuutaat Siumumiik imaattumik oqaaseqarfingissavagut.

Siumup anguniarpaa kalaaleq timikkut peqqissoq, tarnikkut toqqissisimasoq ilukkullu nukittooq.

Upperisarsiorneq inunnut ataasiakkaanut misigissutsinullu tunngalluinnartuuvoq, taamaattumik nunatsinni
upperisarsiornermi sammiviit assiginngitsut ingerlanneqarsinnaatitaapput taamaattorli nunatsinni
pisortatigoortumik oqaluffeqarnermi Ilagiit kalaallit Lutherikkuusut tunngaviupput.

Siumup ataqqivai Ilagiit Lutherikkuusut allanillu toqqammaveqarlutik uppersisarsiortut.

Nunatsinni Ilagiinni aaqqissugaanikkut naleqqussaanissaq Siumup suleqataaffigerusuppa, ilaatigut
nunatsinni ilagiit qullersaallu peqatigalugit. Provstudvalgip atorunnaarsinneqarsimanera
nalilersuiffigineqarnissaanik Partii Naleqqami ilaasortaq siunnersuiteqarpoq tunngavigineqarpoq
aninggaasartuuteqarnerulersimanermik taamaattorli naalakkersuisup akissuteqaataani erserpoq
aninggaasaliissutit taakkuiinnarsimasut, tamanna tunngavigalugu siunnersuut Siumumiit
ilalernartinngilarput.

Siunnersuutip aappaanut tunngatillugu Naalakkersuisut erseqqissaatigaat suliaq aallartinneqareersoq
Qallunaallu Naalagaaffiannut saaffiginissuteqartoqareersoq. Tamanna tunngavigalugu naalakkersuisut
akissuteqaataat tusaatissatut tigullugu itigartinneqarnissaa innersuussutigaarput.

Doris Jakobsen Jensen, Siumut